

MALAYSIA
DEWAN NEGARA

ATURAN URUSAN MESYUARAT

HARI ISNIN, 14HB DISEMBER, 1981, PUKUL 2.30 PETANG

Bil. 17

1

PERTANYAAN-PERTANYAAN BAGI JAWAB MULUT

- *1. Datuk G. Pasamanickam minta Menteri Kesihatan menyatakan sama ada Kementerian bercadang menambahkan lagi pengambilan jururawat-jururawat di tahun-tahun hadapan memandangkan terdapat sungutan-sungutan bahawa hospital-hospital menghadapi kekurangan jururawat.
- *2. Tuan Haji Tuan Yaacob bin Haji Engku Yunus minta Menteri Hal Ehwal Dalam Negeri menyatakan sama ada beliau sedar bahawa permainan "bedil kertas" mercun dan bunga api, dalam Bulan Puasa dan Hari Raya dan juga hari-hati perayaan yang lainj banyak meragut nyawa dan menyebabkan kebakaran dan jika sedar sama ada beliau akan mengambil tindakan untuk mengharamkan permainan tersebut.
- *3. Tuan V.V. Aboo minta Menteri Pertanian menyatakan:
- (a) apakah langkah-langkah positif yang telah diambil oleh Jabatan Hainan untuk menggalakkan penternak-penternak di ladang-ladang mempergiat dan memperluaskan lagi penternakan mereka; dan
 - (b) adakah Jabatan Haiwan telah memberi apa-apa sumbangan baik dari bantuan binatang ternakan atau nasihat untuk penternak-penternak di ladang-ladang untuk mempergiatkan lagi penternakan mereka.
- *4. Dato' Haji Mohd. Nor Mohamad minta Menteri Pembangunan Negara dan Luar Bandar "menyatakan tindakan yang diambil ke atas syarikat kerjasama yang mengeluarkan saham-saham bonus secara haram, yang memilikasih suku ahli-ahli mendapat kenikmatan di dalam satu-satu projek syarikat dan yang mengeluarkan akuan-akuan jaminan secara melanggar undang-undang syarikat kerjasama.
- *5. Tuan Ishak bin Abdul Rahman minta Perdana Menteri menyatakan sama ada beliau akan menambah bilangan pegawai-pegawai dan petugas-petugas dari Lembaga Urusan dan Tabung Haji untuk mengawasi keperluan dan kepentingan jumaah haji semasa berada di tanah suci Mekah.
- *6. Dr' Gan Kong Seng minta Menteri Hal Ehwal Dalam Negeri menyatakan antara permohonan-permohonan kewarganegaraan Malaysia, berapakah bilangannya yang menunggu lebih daripada lima (5) tahun setakat ini.
- *7. Puan Ragayah binti Ariff minta Menteri Sains, Teknologi dan Alam Sekitar menyatakan sama ada Kementerian akan mengenakan syarat yang ketat untuk meluluskan permohonan bagi mendirikan kilang dan untuk dipastikan saluran parit, saluran asap supaya tidak menjadi gangguan kepada penduduk-penduduk yang tinggal berhampiran dengannya.

- *8. Dato Hajjah Fatimah binti Haji Salim minta Menteri Hal Ehwal Dalam Negeri menyatakan sama ada beliau sedar bahawa gambar-gambar mata-mata gelap dan pegawai-pegawai polis lain selalu sahaja dipamirkan di dalam akhbar-akhbar tempatan dan jika sedar, apakah tindakan beliau akan ambil supaya gambar-gambar kakitangan Polis dan anggota-anggota keselamatan lain terutamanya mata-mata gelap tidak disiarkan dalam akhbar-akhbar supaya mereka akan terus menjalankan tugas mereka tanpa dikenali oleh rakyat umum terutama sekali penjahat-penjahat.
- *9. Datuk Ismail bin Hashim minta Menteri Kesihatan menyatakan apakah sebab yang tertentu pihak Hospital Besar Kuala Lumpur tidak mempunyai tempat tidur yang cukup bagi pesakit-pesakit khususnyaqt di wad bersalin.
- *10. Tuan S. Subramaniam minta Menteri Pelajaran menyatakan cadangan-cadangan untuk mengambilalih tanah sekolah-sekolah Tamil di ladang-ladang.
- *11. Dr Choo Kooi Fook minta Menteri Perumahan dan Kerajaan Tempatan menyatakan:
- (a) sebab-sebab Kementerianannya enggan mengambil tindakan tegas terhadap pemaju-pemaju perumahan yang tidak mematuhi kehendak-kehendak infrastruktur yang ditetapkan oleh pihak LLN dan JKR yang menyebabkan kecuaiian ini telah mengakibatkan beribu-ribu pembeli rumah tidak dapat menduduki rumah mereka sehingga setahun lamanya; dan
 - (b) jumlah aduan yang telah diterima pada tahun 1980 dan di antaranya berapa yang telah diselesaikan.
- *12. Dato' Yap Peng minta Perdana Menteri menyatakan sama ada beliau sedar bahawa guru-guru di dalam kumpulan C2 dan B1 mempunyai gaji maksima yang jauh perbezaannya dan nyatakan sama ada beliau akan kaji supaya perbezaan gaji maksima di antara dua kategori ini dapat disamakan.
- *13. Datuk Haji Mohd' Din bin Jaafar minta Menteri Penerangan menyatakan kenapakah Jabatan Penerangan di Sabah terlalu lambat menyebarkan poster dan pelekat Thema Hari Kebangsaan pada tiap-tiap tahun.
- *14. Tuan Tan Chang Soong minta Menteri Hal Ehwal Dalam Negeri menyatakan bilangan permohonan-permohonan warganegara yang telah diluluskan daripada Januari 1980 hingga sekarang dan memberi pecahan angka«angka kaum asal pemohon-pemohon yang berjaya itu.
- *15. Tuan Abdul Razak bin Haji Abu Samah minta Menteri Kesihatan menyatakan sama ada beliau sedar bahawa katil untuk pesakit-pesakit sama ada di wad bersalin atau di wad biasa adalah tidak mencukupi dan jika sedar apakah tindakan beliau akan ambil untuk mengatasi perkara ini supaya tidak akan didapati pesakit-pusakit yang terpaksa tidur di atas lantai.
- *16. Dato' Haji Mahmoud Salim bin Haji Mohamad minta Menteri Pengangkutan menyatakan sejak bulan Januari, 1980 hingga September, 1981 jumlah lesen-lesen pemandu palsu yang dapat dikesan, dan berapa pula antaranya yang dihadapkan ke mahkamah dan nyatakan bagaimana caranya lesen-lesen itu dapat dipalsukan oleh p-nyelewengan-nya.
- *17. Tuan K. Kumaran minta Menteri Kebudayaan, Belia dan Sukan menyatakan sama ada pasukan bolasepak dari India dan pasukan badminton dari China tidak akan di-jemput lagi menyertai pertandingan-pertandingan anjuran negara ini berikutan dengan dakwaan sokongan perkauman peminat (partisian spectator support) bagi pasukan*pasukan tersebut ini.

- *18. Tuan Haji Ibrahim Abdullah minta Menteri Luar Negeri menyatakan tindakan yang telah diambil terhadap laporan luar negeri yang memberikan maklumat-maklumat mengenai negara ini yang memalukan dan nyatakan juga tindakan yang akan diambil untuk memperkenalkan Malaysia ke seluruh dunia melalui kedutaan-kedutaan kita.
- *19. Puan Hasanah binti Mohd. Kassim minta Menteri Hal Ehwal Dalam Negeri menyatakan sama ada pendatang-pendatang haram dibiarkan keluar merayau-rayau dengan pershu-perahu kecil yang diperbuat sendiri oleh mereka di perairan Pulau Bidong dan adakalanya mereka inilah juga mengancam keselamatan nelayan-nelayan Bumiputra, sedangkan nelayan Bumiputra ditegah dari mendekati pulau tersebut.
- *20. Puan Hasanah binti Mohd. Kassim minta Perdana Menteri menyatakan sama ada Kerajaan akan mengenakan syarat sekatan atau kawalan kepada syarikat syarikat swasta yang menjalankan urusan membawa bakal-bakal Haji dari Malaysia ke Mekah.
- *21. Tuan Syed Kamarulzaman bin Syed Bahaldin minta Menteri Perusahaan Awam menyatakan sama ada UDA_f dalam perlaksanaan dasar menyusun semula masyarakat akan membantu Kerajaan-kerajaan Negeri bagi mengatur dan menyusun kawasan-kawasan setinggan di bandar, khususnya di Wilayah Persekutuan dan kawasan-kawasan di sekitarnya.
- #22. Puan Hajjah Salmah binti Sheikh Hussain minta Menteri Hal Ehwal Dalam Negeri menyatakan tindakan yang dibuat untuk mengesan pengimpot buku-buku, majalah majallah dan gambar-gambar lucah.
- *23. Puan Rahmah binti Othman minta Menteri Pertanian menyatakan:
- (a) sama ada berikutan dari penarikan skim subsidi Kerajaan terhadap Majuternak beliau akan menggalakkan lebih banyak penternak-penternak lembu tempatan menternak lembu untuk mengatasi kekurangan daging lembu;
 - (b) sama ada Kerajaan akan memberi bantuan atau jaminan kepada penternak-penternak lembu tempatan yang ingin meluaskan perusahaan mereka dalam bidang ini; dan
 - (c) sama ada beliau akan memberi jaminan untuk mengawal harga daging lembu yang akan diusahakan oleh penternak-penternak tempatan.
- *24. Datuk Ismail bin Hashim minta Menteri Kewangan menyatakan berapa banyakkah baki wang daripada peruntukan bagi Rancangan Malaysia Keempat yang masih belum dibelanjakan dan nyatakan sebab-sebabnya.
- *25. Tuan Ishak bin Abdul Rahman minta Menteri Perusahaan Awam menyatakan sama ada:
- (a) Kerajaan bercadang akan menyusun semula jentera pentadbiran PDC (Penang Development Corporation);
 - (b) kajian akan dibuat dan dilaksanakan supaya PDC lebih merupakan satu badan untuk membantu meningkatkan ekonomi rakyat daripada kegiatan perniagaan yang mementingkan keuntungan yang lebih; dan
 - (c) PDC telah dan akan memainkan peranan menyusun semula masyarakat mengikut DEB.

- *26. Tuan Haji Ariffin bin Haji Salleh minta Menteri Luar Negeri menyatakan adakah benar Malaysia dan Thailand sama-sama menuntut satu kawasan seluas kira-kira 3,000 batu persegi di Laut China Selatanj jika benar sejak bilakah masalah tersebut timbul dan bagaimana kemajuan rundingan pihak berkuasa kedua-dua buah negara itu serta apakah hasil-hasil yang terdapat di kawasan itu.
- *27. Dr Gan Kong Seng minta Menteri Hal Ehwal Dalam Negeri menyatakan memandangkan ramainya pendatang-pendatang haram dari Indonesia dalam tiga tahun kebelakangan ini, berapakah bilangan pendatang haram dari Indonesia telah diberkas oleh pihak Polis atas tuduhan:
- (a) memasuki Malaysia secara haram;
 - (b) kegiatan-kegiatan jenayah
- Apakah langkah-langkah yang telah dan akan diambil supaya mengelakkan kemasukan pendatang secara haram dari Indonesia.

/jah

ATURAN URUSAN MESYUARAT

1.	(DR. 26/81)	Rang Undang-undang Perbekalan 1982 - Menyambung semula Perbahasan atas Masalah, "Bahawa Rang Undang-undang ini dibacakan kali yang kedua sekarang". (11hb Disember, 1981).	
2.	(DR. 25/81)	Rang Undang-undang Perbekalan Tambahan (1980 dan 1981)	Bacaart Kali Yang Kedua
*3.	(DR. 20/81)	Rang Undang-undang Kewangan (No.2)	""
*4.	(DR. 13/81)	Rang Undang-undang Wilayah Persekutuan (Perkiraan Kewangan)	if if "
*5.	(DR. 17/81)	Rang Undang-undang Kumpulan Wang Simpanan Pekerja (Pindaan)	
6.	(DR. 16/81)	Rang Undang-undang Membaharui Undang-undang (Penghapusan Samsu Gelap) (Pindaan)	""
7.	(DR. 27/81)	Rang Undang-undang Bank Negara Malaysia dan Bank (Pindaan)	
8.	(DR. 18/81)	Rang Undang-undang Mahkamah Kehakiman (Pindaan)	""
9.	(DR. 23/81)	Rang Undang-undang (Perancangan) Wilayah Persekutuan.	""
10.	(DR. 24/81)	Rang Undang-undang Ibu Kota Persekutuan (Pindaan)	""
11.	(DR. 19/81)	Rang Undang-undang Keistimewaan Diplomatik (Konvensyen Vienna) (Pindaan)	""
12.	(DR. 21/81)	Rang Undang-undang Pejabat Pos (Pindaan)	
13.	(DR. 29/81)	Rang Undang-undang Galakan Pelaburan (Pindaan) (No. 2)	
14.	(DR. 22/81)	Rang Undang-undang Harta Pesaka Kecil (Pembahagian) (Pindaan)	""

/jah